

Canllaw dychwelyd i'r ysgol

Ysgol y Dderwen

Medi 2020



Canllaw dychwelyd i'r ysgol

Ysgol y Dderwen

Wrth ddal i fyny ac ail gydio ar ddiwedd Tymor yr Haf, mae staff yr ysgol wedi gwerthfawrogi'r cyfle i weld gwynebau hapus a chyfeillgar pob un plentyn. Mae hyn wedi caniatáu amser i sgwrsio a chadarnhau lles ac hapusrwydd y plant yn ogystal â manteisio ar gyfle i drafod ein disgwiliadau o ran ein dulliau dysgu o bellter. Wrth gynnal y diwrnodau cyswllt mae dros 80% o blant ar draws yr ysgol wedi dychwelyd. Mae'r ysgol wedi profi'r gweithdrefnau sydd mewn lle ac wedi cadarnhau bod ein systemau'n hynod effeithiol.

Mae cyhoeddiad Gweinidog Addysg Llywodraeth Cymru, Kirsty Williams, ar 9 Gorffennaf 2020, yn galluogi holl ysgolion Cymru i ail-agor yn ddiogel ym mis Medi.

Mae'r penderfyniad i ail-agor yn seiliedig ar gyngor gwyddonol felly mae'r canllaw hwn yn amlinellu trefniadau'r ysgol er mwyn sicrhau diogelwch y disgyblion a'r staff wrth ddilyn canllawiau clir Llywodraeth Cymru.

Byddwn yn blaenoriaethu rhai grwpiau penodol o ddysgwyr yn ystod yr wythnos gyntaf ac yna'n cynyddu nifer y disgyblion yn raddol. Mae atodiad A yn amlinellu'r amserlen dychwelyd.

Bydd pob disgybl llawn amser yn dychwelyd o ddydd LLun 7.9.20 ymlaen.

Mae'r canllaw hwn yn nodi'r holl fesurau yr ydym yn eu cymryd i leihau'r risgiau ac eich sicrhau y gall eich plentyn ddychwelyd i'r ysgol yn ddiogel ac elwa eto o'r holl brofiadau cadarnhaol a gânt yn yr ysgol.

Dros yr wythnosau cychwynnol byddwn yn ystyried:

- **iechyd a lles:** bydd ein dulliau dysgu'n cefnogi lles meddyliol, emosiynol, corfforol a chymdeithasol y dysgwyr ar yr un pryd â chydabod pwysigrwydd chwarae a dysgu yn yr awyr agored
- **diben:** bydd diben clir i'r holl ddysgu, gan ganolbwyntio ar yr hyn sy'n bwysig i ddysgwyr nawr ac yn y tymor hwy
- **llythrennedd, rhifedd a chymhwysedd digidol:** bydd y disgyblion yn cael cyfleoedd i ddatblygu ac i ddefnyddio'r sgiliau hyn ar draws y cwricwlwm.
- **dulliau dysgu eang a chytbwys:** bydd ein disgyblion yn cael profiadau dysgu sy'n ymestyn dros gwricwlwm eang ac sy'n cynnwys cyfleoedd i ddatblygu dealltwriaeth eang ac amrywiaeth o wybodaeth a sgiliau

- **cynnydd ac asesu:** Byddwn yn defnyddio asesiadau i helpu ein disgyblion i symud ymlaen i'r camau nesaf yn eu dysgu
- **partneriaeth gyda rhieni, gofalwyr a dysgwyr:** Byddwn yn parhau i ddatblygu dealltwriaeth ac iaith gyffredin gyda rhieni, gofalwyr a dysgwyr. Bydd hyn yn helpu i osod sylfaen ar gyfer y dysgu a chefnogi'r profiadau dysgu.

Presenoldeb

Bydd pob dysgwr yn dychwelyd i'r ysgol yn nhymor yr hydref oni bai bod ganddo rheswm meddygol / iechyd i beidio. Mae hyn yn cynnwys dysgwyr sy'n hunan warchod neu'n cysgodi.

Beth sydd angen ar fy mhentyn wrth ddychwelyd?

Dylai pob disgybl ddod â: -

- Potel ddŵr y gellir ei hail-lenwi
- Argymhellir het ac eli haul (os fydd y tywydd yn braf)- un sy'n para am gyfnod hir ac wedi cael ei roi cyn cyrraedd yr ysgol -(gan bod y plant yn debygol o dreulio mwy o amser y tu allan na'r arfer)
- Pecyn bwyd a byrbryd iachus (hyd at y 14eg o Fedi)
- Dylai disgyblion CA2 ddod â châs pensil / waled blastig sy'n cynnwys deunyddiau sylfaenol. Ymhlith y deunyddiau a argymhellir mae beiro, pensil, rwber, pren mesur, pensiliau lliwio.

DYLID LABELU POPETH

Gwisg Ysgol

Disgwylir i bob plentyn wisgo gwisg ysgol ym mis Medi.

Gall rhieni sy'n gymwys i dderbyn pryddau ysgol am ddim wneud cais am £125 i brynu gwisg ysgol, offer, pecyn chwaraeon a phecyn ar gyfer gweithgareddau y tu allan i'r ysgol. Dilynwch y cyswllt isod am fwy o wybodaeth:-

<https://llyw.cymru/grant-datblygu-disgyblion-mynediad>

Trefniadau Gollwng a Chasglu

Rydym wedi trefnu amseroedd gollwng a chasglu penodol ar gyfer gwahanol blynnyddoedd er mwyn cyfyngu ar y niferoedd sy'n cyrraedd y safle ar yr un adeg. Bydd yn bwysig eich bod yn cadw (Cadwch) at eich amser penodedig ar gyfer gollwng a chasglu. Rhoddir hyblygrwydd fel y gellir gollwng brodyr a chwirydd gyda'i gilydd, os ydynt yn yr ysgol ar yr un diwrnod.

Bydd angen i rieni plant y Cyfnod Sylfaen barcio yn y maes parcio gwaelod (Parc Bagnal) a thywys eu plant i'r giât sy'n arwain at iard Blwyddyn 1 a 2.

Bydd angen i rieni plant Cyfnod Allweddol 2 barcio yn y maes parcio top (Heol Spurrell) a thywys eu plant i'r giât sy'n arwain at yr Iard gefn. wrth ymyl Clwb y Mês.

UN RHIANT YN UNIG I DYWYS Y PLENTYN

Bydd staff yn bresennol i gefnogi a chynghori ar ddechrau a diwedd pob dydd.

Trefniadau Casglu

Mae amser casglu penodol wedi'i trefnu sy'n adlewyrchu'r system gollwng. Cadwch at eich slot amser penodedig.

UN RHIANT YN UNIG I GASGLU

Bydd angen i rieni plant y Cyfnod Sylfaen ymgynnull wrth y giat yn y maes parcio gwaelod [Parc Bagnall]

Bydd angen i rieni plant Cyfnod Allweddol 2 ymgynnull ar y maes parcio top wrth y giat o flaen Clwb y Mes.

Rhoddir hyblygrwydd fel y gall brodyr a chwirydd adael gyda'i gilydd.

Mae'r tabl isod yn amlinellu'r amseroedd gollwng a chasglu:-

Gollwng

8.45: Bl. 1,2, 3 a 4

9.00: Bl.5 a 6, Meithrin a Derbyn

Casglu

3.00: Dosbarth Meithrin a Derbyn

3.15: Bl.3 a 4, Blwyddyn 1 a 2

3.30: Blwyddyn 5 a 6

AMSERAU EGWYL A CHINIO

Amseroedd Chwarae

Bydd plant yn cael eu goruchwyllo gan staff yr ysgol yn ystod amseroedd chwarae. Bydd amseroedd chwarae ac ardaloedd chwarae yn cael eu darwahanu fel bod plant yn chwarae o fewn eu unedau.

Bydd staff bob amser yn ymdrechu i sicrhau pellter cymdeithasol priodol yn ystod amser chwarae, yn dibynnu ar oedran a dealltwriaeth y plant.

Cinio

Mae'r ysgol yn aros am ganllawiau a gwybodaeth am drefniadau cinio. Byddwch yn derbyn mwy o wybodaeth maes o law.

DOSBARTHIADAU

- Byddwn yn cadw at ganllaw Llywodraeth Cymru er mwyn diwallu gofynion cyflwyno amserlen a chwricwlwm yr ysgol. Mae hyn yn golygu byddwn yn gallu "cymysgu grwpiau ehangach ar gyfer addysgu arbenigol a gofal cofleidiol"
- Wrth gadw disgyblion o fewn eu hunedau dysgu, gall yr holl athrawon a staff o fewn yr uned "weithredu ar draws gwahanol ddosbarthiadau a grwpiau blwyddyn er mwyn hwyluso cyflwyno amserlen yr ysgol."
- Byddwn yn symud a thynnu dodrefn a desgiau er mwyn creu mwy o le.
- Bydd y defnydd a rennir o ran adnoddau yn gyfyngedig iawn.
- Bydd adnoddau'n cael eu glanhau ar ôl eu defnyddio.
- Bydd drysau a ffenestri'n cael eu cadw ar agor (os yn bosib) er mwyn caniatau digonedd o awyr iach.

SYMUD O AMGYLCH YR YSGOL

Rydym wedi sefydlu system unffordd ar gyfer teithio o amgylch yr adeilad. Bydd dosbarthiadau yn cael eu hebrwng gan athrawon/

cynorthwy-wyr i'r cyfeiriad hwn (amser chwarae, amser cinio, amser cartref ac ati).

CADW PELLTER CYMDEITHASOL

Rydym yn cydnabod nad yw'n ymarferol disgwyl i blant, yn enwedig rhai iau neu'r rhai ag anghenion ychwanegol, gadw pellter cymdeithasol ar bob achlysur. Byddwn yn gweithredu'r mesurau a nodwyd cyn belled ag y gallwn, mewn modd cadarnhaol, gan sicrhau bod plant yn cael eu cadw'n ddiogel ac yn derbyn gofal da.

Byddwn yn parhau i ddarparu'r lefel uchaf o ofal ac anogaeth i'n holl blant, gan gynnwys eu cysuro os ydynt mewn trallod a gweinyddu cymorth cyntaf.

Beth ydyn ni wedi'i wneud?

- Mae bylchau dau fetr wedi'u marcio yn ardal y cyntedd ac ar hyd y coridorau i hysbysu'r disgyblion o'r bylchau gofynnol.
- Mae bylchau wedi'i nodi ar gyfer rhieni yn y parth gollwng/casglu.
- Mae'r holl staff yn gwbl ymwybodol o bwysigrwydd cadw pellter cymdeithasol lle bynnag y bo hynny'n bosibl ac yn briodol.
- Bydd nifer y bobl mewn coridorau ar unrhyw un adeg yn gyfyngedig.
- Bydd meysydd chwarae yn cael eu hamserlennu ar gyfer pob uned a byddant yn defnyddio adnoddau eu hunain.

GLANHAU A DIHEINTIO

- Bydd yr adeilad yn cael ei lanhau'n rheolaidd ac o leiaf unwaith y dydd. Bydd arwynebau caled yn cael eu glanhau â dŵr sebon cynnes neu'r cynhyrchion glanhau gofynnol. Rhoddir sylw arbennig i lanhau ardaloedd ac arwynebau 'cyffyrddiad uchel' fel byrddau, offer a dolenni drysau.
- Bydd gan bob dosbarth ddeunyddiau glanhau a chadachau ar gyfer glanhau adnoddau / arwynebau cyffwrdd uchel yn ystod y dydd
- Bydd glanweithydd dwylo yn cael ei ddarparu mewn lleoliadau allweddol.

- Dim ond dau ddisgybl a ganiateir mewn unrhyw floc toiled ar y tro (un disgybl ym mhob tŷ bach). CA2 – toiledau unigol
- Sefydlir amseroedd golchi dwylo penodol ar gyfer disgyblion. (Poster i'w hannog.)
- Bydd poster golchi dwylo effeithiol yn cael eu harddangos. Bydd gan blant fynediad at ystod o ddeunyddiau golchi dwylo - bariâu o sebon, sebon hylif a pheiriannau sebon meddal.
- Bydd disgyblion yn cael eu hannog i olchi eu dwylo â sebon a dŵr am o leiaf 20 eiliad yn rheolaidd,

Byddant yn golchi dwylo:-

- wrth gyrraedd yr ysgol
- cyn ac ar ôl trin bwyd
- cyn ac ar ôl trin gwrthrychau ac offer
- ar ôl iddynt chwythu eu trwyn, tisian neu beswch.
- Darperir PPE priodol ar gyfer gofal personol, Cymorth Cyntaf ac ati. Gwneir asesiad risg ar gyfer pob plentyn sydd angen gofal personol a phenodol a defnyddir y PPE priodol yn unol â hynny.
- Dylai dysgwyr a staff besychu neu disian i'w penelin. I'r graddau y mae'n bosibl, dylid eu hannog i beidio â chyffwrdd â'u hwyneb, yn enwedig wrth ddefnyddio hances bapur neu benelin i besychu neu disian.

OFFER DIOGELU PERSONOL (P.P.E.)

Nid oes angen defnyddio offer amddiffynnol personol (PPE) wrth ymgymryd â gweithgareddau addysgol arferol mewn ystafelloedd dosbarth / ysgol.

Argymhellir gorchuddion wyneb lle na ellir cynnal pellter cymdeithasol. Nid ydynt yn disodli mesurau effeithiol pellhau cymdeithasol a hylendid dwylo. Byddwn yn trefnu ein hamgylchedd er mwyn sicrhau y gellir cynnal pellter cymdeithasol priodol gydol y dydd.

Efallai y bydd angen PPE pan fyddwn yn :-

- Delio ag amheuaeth o coronafirws (COVID-19)

- Darparu Gofal Agos (cynhelir asesiad risg unigol i ddisgyblion bennu lefel y PPE sydd ei angen)
- delio ag agweddau penodol Cymorth Cyntaf.

Ni ddylai plant fynychu'r ysgol o dan unrhyw amgylchiadau pe bant yn:-

- teimlo'n sâl, cael unrhyw un o'r tri symptom COVID-19 (peswch parhaus newydd, tymheredd uchel neu golli blas neu arogl) neu maent wedi profi'n bositif i COVID-19 yn y 14 diwrnod diwethaf
- byw mewn cartref gyda rhywun sydd â symptomau COVID-19 neu sydd wedi profi'n bositif i COVID-19 yn y 14 diwrnod diwethaf.
- cydymffurfio â'r gofynion hunan-ynysu angenrheidiol yn y ddau achos

CLWB Y MÊS

Bydd Clwb y Mês yn ailagor ar yr oriau arferol, ar ddydd Iau, Medi 3ydd ar gyfer y plant sydd yn mynychu'r ysgol ar y diwrnodau penodol.

AP YR YSGOL

Mae'n holl bwysig eich bod yn addasu hysbysebiad ar eich ap yr ysgol i flynyddoedd perthnasol eich plentyn ym mis Medi – dyma'r unig ffordd i sicrhau eich bod yn derbyn y wybodaeth sy'n berthnasol i'ch plentyn chi.

ATODIAD A

Mae'r tabl isod yn amlinellu'r amserlen dychwelyd.

Dydd Mawrth 1.9.20:- diwrnod trefnu-staff yn unig

Dydd Mercher 2.9.20:- diwrnod trefnu-staff yn unig

Dydd Iau 3.9.20:- Blwyddyn 6, Blwyddyn 4, Blwyddyn 2, Derbyn

Dydd Gwener 4.9.20:- Blwyddyn 5, Blwyddyn 3, Blwyddyn 1, Meithrin llawn

Dydd Llun 7.9.20:- Pob disgybl llawn amser yn dychwelyd.

4.00 y.p – cyfarfod rhieni newydd Meithrin - Pasg a Medi

Dydd Mawrth 8.9.20- Pob disgybl gan gynnwys plant rhan-amser meithrin (bore – plant Pasg / Prynhawn -plant Medi)